

四庫全書

集部

欽定四庫全書

集部

文恭集卷四至六

詳校官侍講臣王燕緒

檢討臣何思鈞覆勘

總校官原任中允臣王燕緒

校對官編修臣于鼎

謄錄監生臣周丕

欽定四庫全書

文恭集卷四

宋 胡宿 撰

七言律詩

塞上

漢家神箭定天山，煙火相望萬里間。  
契利請盟金七酒，將軍歸臥玉門關。  
雲沈天上妖氛斷，雪照回中探騎還。  
五餌已行王道勝，絕無刁斗至闐顏。

湘夫人祠

翠華獨去蒼梧野紅袖同沈楚水濱休把蘭湯招怨魄  
空留竹淚憶明君風前有恨啼湘瑟天外無言擬峽雲  
不比石城雙姊妹帝家釐降有遺文

隱客舊居

鵲版飛書到此山海簪重拾更彈冠晚中紉佩荒蘭葉  
石上移文蠹蘚癥蕙帳煙空胎化老柏庭風起麝香寒  
至今門外潺湲水疑是幽人賦考槃

寄題公儀西溪

山公休愛習家池自有清光灩一溪川上好風跳鯉鯉  
波中晴日浴鳬鷺孤舟小嶼閒如畫釣線輕緡靜可攜  
更助吟毫無限思落霞猶共夕陽低

送莊賢良權之歸舊隱

過我東還鑑水湄儻逢親友話襟期書鉗紙尾承真負

易在牀頭叔自癡

僕近學易

破解數間將整整踐更三載且

遲遲

開書鋪家有指僕為暗闕者○案註中暗闕二字未詳無別本可校姑仍原本

督郵少屈

吾衰矣三徑歸來未有資

送向館使赴陝郊

陝服由來二伯居使君新詔擁犀渠門連象魏施行馬  
地控崤函佩左魚世德高華河裏舊土風淳厚召南餘  
政成期月須嚴召行見追鋒走傳車

送江寧監軍李舍人歸闕

假節彌年去玉墀星郵傳詔紫芝泥帳中密印交龍虎  
麾下全軍解水犀仙闕歸心春槩快石城離思晚雲低

宣平貴里婚姻盛競爽行看對析珪

城東別墅寄懷天錫

幾日歸心托暮雲半氈牕下久生塵  
水天雨氣霏霏斷竹閣山花點點新  
小苑鶯聲偏破夢大堤花艷欲迷人  
豈無躑躅青絲騎不敢偷看城裏春

送魏屯田出守山陽

左臺分契領東麾入奏清廂幾刻移  
三采綬章秦服志兩轡朱色漢官儀  
雌堂夕宴沈賓轄

案雌堂二字集中屢見未詳所出攷

邵國志太守所居塗以雌黃故稱黃堂此  
名雌堂疑即取雌黃之義今俱仍原文 綠野春耕駐

使旗盤錯寄才知不久英輿六尺待飛綏

和承旨尚書觀春物欣盛之什

紫陌年光天上回東風吹雪放新梅燕鴻卻背南雲去  
楚鳥還迎社日來半綠萍醅浮臘腳殘紅桃艷弄香腮  
山公知有登高興樽下容誰獻壽盃

書觀春歸雪意殘三竿初日照天闌魚聲稍煦芳塘面  
鵲語頻跳碧樹間渠落禁中聽御水閣凭空際數前山



柳黃梅白東郊近未得攜壺一日閒

江城春日

暮春江色映芳菲雨後清和滿客衣  
遊騎自穿官柳去落霞常伴彩橈歸  
錦鱗劈浪深深躍翠羽迎風兩兩飛  
因下短亭猶惜別萬枝香雪在薔薇

謝惠詩

君詩來貺我難當語帶誠齋句妙香

案誠齋乃楊萬里自號此首疑南宗

人詩誤入集中者然或當時別有其人亦未可定今姑存之

鮫室垂垂新下泣蠟珠

顥顥爛生光魂飛錦里花爭巧夢到池塘草又芳早晚  
交遊逢大手急將名姓為傳揚

送張著作任蘄水

家世南州擅席珍

君之先正  
世踐甲科

斗城傾蓋底相親誅茅三

徑原同閑枕水雙扉重作隣翰墨初通文苑職弦歌聊  
嗣武城人楚詞舊學精章句未得金門薦買臣

和春卿學士登定力寺北閣兼寄絳倅富彥國監  
丞

玉山偷暇訪禪扉洛社諸英昔所依三鳳同時翔  
去

二龍相繼得標歸

天聖中春卿昆仲三人同升文榜後數年春卿復與絳侔監丞相次並登

制舉之首文勝今為美談

硯池終歲貪殘墨講樹經秋長舊圍更待

碧紗籠美句始驚韋布有光輝

### 送李留後赴天平

留印高提駕伏熊鄆城襟要此臨戎四封土俗弦歌盛  
九疊霜天鼓角雄風月靜歸談笑內山川遙入撫綏中  
居多暇日溪堂勝不廢投壺與釣筒

寄浙漕晉卿李工部

名臣分刺十三州君在東南第一流  
郡國成風皆自化朝廷安枕更無憂  
江湖莫作多時計山水何妨暇日遊  
誰與二天相對飲看看八月弄濤頭

送兵部陸學士赴漕閩中

宣風一面得甌閩丹舸乘流破月痕  
玉色暫辭當牖坐衣香初隔止車門  
帝臺回望相竿遠仙嶠重過射的存

君自會稽任  
重赴使漕

曾頌天禧金石刻定應寬利賦朝恩

送杜偉長學士赴漕河北

甘陵孤壘起纖埃趨詔東南武庫來  
天子此時知國器生民從古寄賢才  
神鋒立斷無留刃籌筆先機有疾雷  
行見司徒封露布鄴城歌舞夾行臺

送陸兵部赴漕湖南

甘泉司計署名高出拜行臺帝綍褒使節遠籠三壤賦  
官儀清坐七兵曹時平漢斧宣威力歲稔湘帆繕貢勞  
秋晚洞庭山水秀定知懷古費宮毫

送御史蔣公赴漕江東

簪筆天階柱下官，孤風凜凜振臺端。  
坐曹常佐甘泉計，奏事曾紆武帳冠。  
一日雕龍分使節，幾年驄馬避朝鞍。  
商功未是須賢地，荷橐行歸侍玉鑾。

送石舍人得告展省

先賢富貴重夸鄉，況復哀榮感履霜。  
三最詔書新予告，九原恩澤遠生光。  
老人競醉金錢少，稚子爭牽玉佩長。  
荀令池頭芳樹在，栖雞浴鳳日相望。

送石舍人入西閣見紫薇花盛開

西臺重見紫薇花  
天上時時好物華  
人向樂階升禁掖  
舍人初上路從桃水入仙家  
香英半落風前酒高艷遙  
故事壓角  
烘日際霞卻憶後齋濃睡覺芝泥初熟午陰斜

寒蟬

槁葉驚秋樹幄稀  
嘶蟬猶尚警寒枝  
玉琴可要傳深恨  
珠露何妨刺薦饑  
已伴風箏流遠韻  
更邀霜籟散餘悲  
清漳病枕無悰久  
月夕煩君住少時

三衢道中馬上口占

短亭疎柳映鞦韆馬上人家穀雨前幾樹檜旗茶蘼靡

一溪鱗甲水潺湲鶯期別後聞餘哢

古詩鳥嚶兮友之期

鱗候歸

來見小眠可惜西湖湖上月夜來虛過十分圓

送張待詔知越州

長安廐吏馭花驄竹使遙分浙水東遠勢早推賢相子

太傅三當國柄公常遠嫌避事

任誠真有古人風稽山一鎮居封內

四鎮

之山會稽其一

阿閣三休聳禁中長樂鐘聲偏怨別何時同謁



建章宮

案永樂大典載胡宿寄會稽張待制詩惟末二句與此異云不及臨滄陪置酒憶君千里寄書

簡其前六句及小註並與此同今弗複存附識于此

送陳學士知常州

金斗城高二浙西使君初拜武都泥射堂  
五色開雲的  
齊隊千兵衣水犀  
仙閣舊香芸  
辟蠹使軒新  
蔭李成蹊  
下車定有中和曲  
索米州民日倚輓

覽朱表臣卷

烏巷名生卓不羣  
階庭相伴玉枝薰  
天邊禁樹開龍鳳

筆下清才墜鳥雲三級火雷何日化一堂金竹此時聞  
牛心割炙採來嚼爭得英瑤去報君

覽孫祐甫卷

君家先正隱瓊材巖石清聲動漢臺地底何年埋玉樹  
蚌中今幸產珠胎氈書未挂千名榜豆詠爭傳八斗才  
荆壁夜來煩抵鵲寶編三復翳瞳開

南至之日輦下書事呈正卿子高二同年

歲暮繁雲結夕陰長安客舍費黃金燭牕明暗翻歸夢

雪屋清寒著旅衾  
寶騎傳呼三陌廣  
銅龍飄點九門深  
萬年壽酒無因上  
陽藿空傾向日心

芙蓉湖泛舟

小湖香艷戰芙蓉  
碧葉田田擁釣蓬  
嵐氣欲飛山隔岸  
秋光不定水搖空  
翩翻雪鳥爭投浦  
撥刺霜鱗鬪擲風  
正是滄浪濯纓日  
一竿多謝紫溪翁

過李白墳

平昔馳名蜀道難  
旅魂流落古苔斑  
土中寶樹埋何在

澤畔靈魂些不還醉後烟霞仍物外吟餘風月尚人間  
一哀弔罷頽陽暮江北江南盡是山

送致政秘丞

二紀青山拂洛塵桂香消盡故時春徑為天上乘槎客  
厭作河濱託乘人老筆工詩殊覺麗清談傾座幾相親  
臨滄送別多瑰藻

上樞太尉中憲左丞而下  
叙同榜之舊皆有詩寵行

三徑歸資

莫歎貧

送致政吳賓客

挂冕高辭九列榮  
年如園綺尚康寧  
水蒼乍解趨朝佩  
雲母初閒隔署屏  
商嶺紫芝歌幾曲  
武夷毛竹夢頻驚  
門前已見施行馬  
更待沙堤接鯉庭

寄致政蔣侍郎

八十礚谿用釣翁  
丈人冰雪在顏容  
乞身未及調緣鵠  
濟世何當起臥龍  
先覺令名侔大蔡  
後雕遐福集寒松  
憐才好客還依舊  
終日清談綠酒醲

和承旨給事寄酬南京致政杜相公

賢相辭榮鬢未斑  
濟川舟楫一朝閒  
蒼生猶望安車起

使者空持拱壁還

去秋明堂大饗朝廷以公元老優詔陪祀辭疾不至郢曲傳來

都輦下蕭規  
留在廟堂間  
壯猷全德知難尚  
後世高名

重太山

涼思

昨夜南星破暑威  
月波浮動杵天垂  
露華冷向三危滴  
秋色新從一葉知  
越水舊歌迷桂楫  
楚江秋思遶蘭旗  
桃笙碧滑人無寐  
欲借蛟盤寄所思

涼州

一從天寶陷涼州路絕陽關數百秋誰念弓裘侵紫塞  
空餘歌舞在紅樓將兵古有龍韜畧仗節今無燕頷侯  
五鼎元戎方肉食腐儒何者預軍謀

送姚秘校歸雪

茗溪曾是忝朱輪鳴鹿當年預送賓楚國頻嗟三獻璞  
漢廷裁得半通綸勞歌未免吟梁甫作賦還應問大鈞  
下澤乘車知道在折腰那久滯風塵

寄蕪湖吳殿丞

大花灘外憶琴堂西北山長水更長  
縮地何曾人有術  
摩天不及鳥能翔  
寒梅弄臉英英態  
臘甕蒸醅滿滿香  
悵望未休還悵望  
夜來庭下月如霜

寄臨淮蔣使君

漢臺分刺輟名臣  
隼旆還臨磬水濱  
殿石乍辭龍尾遠  
印鞞初結獸頭新  
貫花佛會連香刹  
種杏仙陰接寶鄰  
荆府依劉心未獲  
卻憐馴鹿伴行春



和吳春卿早春即事

臘過春雲尚帶陰，故山迢遞憶青岑。  
芸齋舊帙書籤冷，桂甕新香酒蟻深。  
複道風煙殊可眺，曲江花柳試偷尋。

芳樽一笑真難得，永埒何曾有剩金。

案永埒二字原本作永埒埒字義不

可解致顏延之赭白馬賦有角壯永埒句此詩當本之今改正

寄龍圖李諫議

虎符兼綰鐵林兵，安輯南方十二城。  
昏曉星文通翼軫，陰晴雲氣接巫衡。  
江飄畫角蛟龍思，風獵干旗鳥隼鳴。

誰伴使君紅燭宴漆堂深夜促銀箏

送林學士赴明州

綠綈膺檢出神州又保東吳最上游腰下金符分半虎  
手中庖刀欠金牛金樽酌月吳歃席錦纜牽風越鄂舟  
正是金華隆舊業羣仙相望在瀛洲

送施屯田守姑熟

臺城南畔擁油韜四十名郎此夢刀文陞入辭交戰密  
太微回望積星高醉羅定費齋中耐吟管應催石上毫

莫戀江東佳麗地歸來開院接金鰲

寄江淮太守表臣職方

畫省高才滯兩轡秋來依舊對淮山一  
星斗龍淵在萬里風雲驥足閒賦詠且  
裁紅燭下拳懷聊寄綠樽間  
次公治行聞當牖二節如今即召還

送宗兄郎中守三衢

新舊鞶囊兩獸頭東南鄉郡得龍丘  
朱丹侯轂聊行縣紫翠家山更滿樓  
高第郎官猶應宿中材裨將輒封侯

浩然能養浮雲志風月樽前且獻酬

送譚寺丞守鬱平

金契為州復侍親卻從湖際訪仙村花垂晚席傾家釀  
柳拂春車過里門關內已誇新組去浦中仍見舊珠存  
名園日涉庭無訟絲管時時薦壽樽

集賢石學士出守符離

日邊新擁兩朱轡亦以斜飛試羽翰巴郡詞人才藻壯  
漢家循吏教條寬明光奏事衣香在麗正修書硯滴殘

歲晚政成丹詔下歸來天上作仙官

其後未期歲還  
臺尋登西掖

### 殘花

雨壓殘紅一夜凋  
曉來簾外正飄飄  
數枝翠葉空相對  
萬片香魂不可招  
長樂夢回春寂寂  
武陵人去水迢迢  
忍將玉笛傳遺恨  
苦被芳風透綺寮

### 和承旨宗尚書告中之作

鵲聲頻繞大槐枝  
黿禁懽聞舊老歸  
哆舌人間無翕訛  
奎鉤天上有晶暉  
西山五色分靈藥  
南極三光接太微

只待延英朝隻日便應調鼎向黃扉

橘

龍陽洲上密于星紅實纍纍照日明露濯曉枝金色重  
霜封秋蒂粉衣輕楚江未分萍如蜜漢殿何曾蔗析醒  
誰道相如能作賦詔園先熟是虛名

送次道學士倅洛中

留籥初均相府勞辟書先下得虔刀黃圖氣象占龍闕

丹穴精神識鳳毛

集山景祐中侍  
宣獻公在洛

一代策書承世學

國朝

大典出宣獻公手次  
道復受詔同修唐史

三川風月屬詩豪  
山公更有通家

舊應許論文醉醪

送周屯田倅南徐

淞河分鎮壓東西  
鐵甕由來重會稽  
地勢頓驚江海近  
天文全覺斗牛低  
鳴秋鼓角翻朱鷺  
映日樓臺拂彩霓  
綠髮名郎才韻秀  
政成看捧紫芝泥

送子思學士倅河內

左符通掌日邊城  
幾蔭華棖捧刺經  
直舍十年苔已紫

吟鞭一路柳初青禁中夜閣拋行月郊外春車駕屏星  
河裏舊遊從古盛好尋煙幌弔遺靈

送薛監丞倅絳臺

故絳山川宰樹存屏星分守出宸恩官榮此去夸鄉組  
家法從來式里門別尊正憐黃菊綻征鞍猶怯黑貂溫  
守居舊號園池美應伴山翁把翠樽

贈梅聖俞試館職得賜進士出身

賦就甘泉客薦雄獨攀仙桂向秋風抽毫同列三英座



換骨纔爭第一功，瞥看靈鼃居水下。恍聞伏犬吠雲中。

嫦娥應有憐才意，惟許詩人到月宮。

出雪齋  
廣錄

卜居

自致青雲有壯圖，且尋詹尹卜幽居。一杯誰置元王醴，  
三尺休彈上客魚。足下已穿東郭履，胸中猶鬱茂陵書。  
漢皇夜御金鑾殿，豈便無人薦子虛。

淮南王

貪鑄金錢盜寫符，何曾七國戒前車。長生不待爐中藥，

鴻寶誰收篋裏書  
碧井牀空天影在小山人去桂叢疎  
雲中雞犬無消息  
秀麥漸漸徧故墟

送劉觀察赴襄陽

甲隊霜秋瑩武蟲  
萬兵都府去臨戎  
習池峴首風流遠  
漢水方城氣象雄  
宴榭鳴鼙飄畫鼓  
射堂棲鵲試雕弓  
平時公子推能政  
愛日遙知徧境中

寄題徐都官吳下園亭

吳下新居樹石中  
綠巖香葉一重重  
潺湲枕上聞流水

縹緲簷間見好峰  
山客對棋閒  
覓劫野僧留話幾  
侵鐘  
由來止足前賢事  
他日何慚邨曼容

長卿

買賦金錢出後宮  
長卿文采冠諸公  
梁園未至時名大  
蜀道前驅使節雄  
已託焦桐傳密意  
更因殘札寄遺忠  
如何一諷神仙事  
卻得飄雲起賦中

洞靈觀納涼

秋波不動葦紋融  
松月惓惓透綺櫳  
霜重井梧翻瘦碧

雨回堦藥墮  
媽紅彩鴛靜  
占銀塘水乳  
燕涼飛玉宇  
風林酒易銷  
殘夢斷卻疑  
身在廣寒宮

天街曉望

長樂纔聞一叩鐘  
百官初謁未央宮  
金波穆穆沙隄月  
玉樹瑤瑤上苑風  
香重椒蘭橫結霧  
氣寒龍虎遠浮空  
嗟余索米無人問  
行避霜臺御史驄

寄昭潭王中立

高弦一弄武陵深  
六幕天空萬里心  
吳苑歌驪成久別

楚峰回雁好歸音  
十千美酒花期隔  
三百枯棋奕思沈  
莫上孤城頻送目  
浮雲西北是家林

次韻徐爽見寄

五兩青絲帝渥深  
平時可敢嘆英沈  
侏儒自是長三尺  
避統都來直數金  
寂寞死灰人喪偶  
婆娑生意樹交陰  
年來想見瓊枝色  
久夢蘼蘼到竹林

雪

屏翳驅雲結夜陰  
素花飄墜惡氛沈  
色欺曹國麻衣淺

寒入荆王翠被深  
天上明河銀作水  
海中仙樹玉為林  
日高獨擁鸛裘臥  
誰乞長安取酒金

城南

昨夜輕陰結夕霏  
城南十里有香泥  
初聞山鳥驚新哢  
遙見林花識舊蹊  
蕩漿遠從芳草渡  
墊巾還傍綠楊隄  
羅敷正苦桑蠶事  
惆悵南來五馬蹄

早夏

井輅投多思不禁密  
垂珠箔晝沈沈  
睡驚燕語頻移枕

病起蛛絲半在琴  
雨徑亂花埋宿艷  
月軒修竹轉涼陰  
一春酒費知多少  
探盡囊中換賦金

宿秀峯寺

夕鐘初斷海鯨音  
投宿香園半翠岑  
冰簟侵牀消客夢  
水簾澄月伴僧吟  
雄風拂袵清涼極  
珍樹交柯翠翳深  
一夜漢陰機事息  
草堂虛論破煩襟

太湖石

海岱鉛松妄得名  
洞庭山腳失寒瓊  
漱成一朵孤雲勢

費盡千年白浪聲  
誰向機邊逢織女  
直疑巖下見初平  
年來賞物多成病  
日遠蒼苔幾徧行

過桐廬

兩岸山花中有溪  
山花紅白徧高低  
靈源忽若乘槎到  
仙洞還同採藥迷  
二月辛夷猶未落  
五更鴉白最先啼  
茶煙漁火遙堪畫  
一片人家在水西

憶薦福寺牡丹

十日春風隔翠岑  
祇應繁朶自成陰  
樽前可要人頽玉



樹底遙知地側金花界三千春渺渺銅槃十二夜沈沈  
雕盤分蔘何由得空作西州擁鼻吟

次韻和朱況雨中之什

蒼野迷雲黯不歸遠風吹雨入巖扉石牀潤極琴絲緩  
水閣寒多酒力微夕夢將成還滴滴春心欲斷正一作更  
霏霏憂花惜月長如此爭得東陽病骨肥

沖虛觀

五粒青松護翠苔石門岑寂斷纖埃水浮花片知仙路

風遞鸞聲認嘯臺  
桐井曉寒千乳斂  
茗園春嫩一旗開  
馳煙未勒山亭字  
可是英靈許再來

淮南發運趙邢州被詔歸闕

天臺封詔紫泥馨  
馬首前瞻北斗城  
人在函關先望氣  
帝于京兆最知名  
一區東第趨晨近  
數刻西廂接晝榮  
正是兩宮裁化日  
百金雙壁拜虞卿

文恭集卷四

欽定四庫全書

文恭集卷五

宋 胡宿 撰

七言律詩

雪後登秘閣

消盡層陰上盡梯  
雪餘官瓦弄晴暉  
碧簷交照虬爭聳  
朱闕相聯鳳欲飛  
日向金溝春溜動  
風來珠樹曉寒微  
帝家池籞饒芳物  
白鳥翩翩接翼歸

謝叔子楊丈惠詩

老子詩名久廢閒  
喜君步驟少陵壇  
句敲金玉聲名遠  
韻險車斜心膽寒  
傾出囊中和月露  
皎如盤底走珠丸  
苦藏難沒詩家事  
會看塵冠早一彈

又和前人

作者傍邊好見聞  
速來就汝作比隣  
詩中活法無多子  
眼裏知音有幾人  
爾許精奇花爆筆  
宜容塵俗海翻銀  
老夫幸有千機錦  
尚欠江頭一浣新

侯家

洞戶春遲漏箭長  
短轅初返洛城傍  
彩雲按曲青岑醴  
沈水薰衣白壁堂  
前檻蘭若依玉樹  
後園桐葉護銀牀  
宴殘紅燭長  
庚爛還促朝珂謁未央

秋風

瑟瑟新聲脫綠槐  
半寒天氣日相催  
西樓夜色吟偏好  
南國朝雲夢未回  
翠影暗牽蘋葉動  
清香遙獵桂枝來  
重陽漸近松醪熟  
白菊如何為放開

送馬少卿赴襄陽

冰操從來畏四知  
漢江南畔擁藩麾  
地經謝守開油幕  
人憶山公倒接羅  
風入射堂飄鼓吹  
雨隨行縣濕旌旗  
前朝叔子流遺愛  
拂蘚應看峴首碑

送竇應李尉

曾飛麗藻清堯問  
猶屈長才尉楚城  
官是神仙標秀領  
縣因靈寶紀嘉名  
西崑已挾凌雲譽  
外戶全消擊柝聲  
早晚聲名來謁帝  
會看雙璧賜虞卿

竹

修篁百箇靜無埃憶共山僧競日栽天矯翠虬身欲化  
婆娑青鳳尾全開風含爽籟依朱檻月鏤青陰覆翠苔  
曾為檀欒衝雪看玉枝相亞曉暄暄

送周學士歸永嘉

三最初承予告恩

致校有校  
正之最

一雙青翰出都門關繡舊

棄人多識橋柱前題墨未昏南國歸雲聊送目河梁新  
月暫消魂玉山丹府重來日好拾風謠奏帝閭

送聶學士赴闕

臺召西來二節榮  
清江浮舸鴨頭平  
十行受詔龍綸重  
五兩占風鳥羽輕  
目送華林春雨色  
夢隨長樂曉鐘聲  
佇看隻日延英對  
九墨宮臺屬長卿

送張學士赴邵武兼過吳中別墅

青藜香地掩殘書  
越絕東南駕隼旟  
紫陌花期經被袂  
清淮潮信待蟾蜍  
鳥聲百轉春芳際  
蠶候三眠夏葉初  
吳地吟朋如見問  
為言江令憶鯉魚



寄張唐公學士

朱航東下忽經春，藏室離居作惡頻。  
簡上蠹蟬終日在，

唐公受詔同修南北史，未訖有請度之行。樹間靈鵲至今馴。  
唐公直舍前有鵲棲止庭樹久。

益馴狎。北宮自有咿嚶客，天祿誰同寂寞人。  
昨夜西牕有

佳月，此心迢遞思冰輪。

千葉瑞荷花

絳藥層層吐翠羅，水妃冠重曉戎峨。  
我應嫌葛本開花少，卻關榴房著子多。  
含露自知芳意在，偃風無奈落英何。

更憐玉骨藏深怨暗結千絲在綠波

題漣漪亭

檻底凝漪碧漫天角中東路主人賢汀花照席供春醉  
沙鳥窺簾伴晝眠何必馭風追汗漫不妨乘月弄潺湲  
流杯若倣山陰事兼有蛙聲當管絃

津亭

津亭歌闕戒棠舟五兩風輕不少留西北浮雲來魏闕  
東南初日背秦樓層城渺渺人傷別芳草萋萋客倦遊

平樂舊歡收未得更憑飛夢到瀛洲

有懷松江

多年襪被玉山岑鬢雪欺人忽滿簪  
駕馬雖然貪短豆野麋終是憶長林  
鱸魚未得乘歸興鷗鳥惟應信此心  
見說新橋好風景會須乘月濯煩襟

寄題齊氏山齋

有客稽山岸角巾寶書盈笈日怡神  
雲銜別嶺摺節久月上前峰隱几頻  
牕上蘿陰猿警旦塢中茶候鳥啼春

一經鄒嘑能傳世子舍于今兩綬新

送崔諫議都運河東

行臺西北接參墟仗節重乘駟馬車水是晉君沈璧後  
地經唐叔賜圭餘蕃簡重足虔條教部吏承風畏簡書  
武帳歲終還奏事康侯三接聽新除

送益州運使田學士

釵棧秋旗拂過鴻行臺西去撫蠶叢民間幼艾餐和氣  
徼外酋豪偃德風巴漢靜歸籌筆內岷峨闕入畫圖中

時平幕府無留事樂職何妨頌聖功

寄題蘭皋亭

亭下春芳接楚波金堤勃窣路相過  
牕中霽景煙姿遠簾外晨香露氣多  
紅頰倚牆花並蒂綠陰翻檻樹交柯  
朝陽定有浮杯樂醉墨何妨記永和

採蓮女

碧蓋緗葩映素秋此中蘭櫂好銷憂  
相將共挈青絲籠一笑同迴翠羽舟  
日暮鳴榔隨下瀨夜深歸櫂怯中流

東方自有羅敷婿不顧江邊越鄂州

送柳先輩從事桐廬

甘櫻離會酒初醒還赴東侯拱壁迎江上桃歌傳樂錄  
坐中鸚鵡占賓榮仙車過洛人偏識繡騎還邛客盡傾  
後夜嚴陵臺上望紫雲西北是神京

寄杭州子文屯田兼簡真公上人

目斷江南佳麗城欄干樓角幾長凭越人抱膝吟偏苦  
吳客觀濤病未能此地旃檀多勝剎一時龍象有高僧

知君暇日尋猿鳥閒上靈峰第幾層

寄題王舍人書齋

北第當衢拂斗魁竹林清暑似巖隈將壇緒業傳金版  
文苑新書集玉杯數篋龍拏藏寶刻一泓蟾滴試烟煤  
好辭戴鶡飛千牘東武原從禁衛來

霜野

啄兔青骹直下飛霜雲慘慘楚楓披秋林月迴聞樵斧  
晚市風沈見酒旗江上敗荷無限柄雨中殘菊不盈枝

物華怨盡仍傷別，塢笛聲中一涕垂。

送陳諫東歸

顏詩摘錦有高文，席上經年未聘珍。  
鵠板乍停公府詔，貂裘還敝洛城塵。  
雪園授簡誰為賦，煙渚歸艎不待春。  
何日子虛聞夜誦，尚方給札對嚴宸。

送華濤東歸

江上丹楓墮夜霜，式微愁思豈禁傷。  
壯圖萬里青雲在，舊徑三條碧草長。  
匹馬歸來江練白，惡氛收盡楚天涼。



大明繼照光華旦提筆相期翰墨場

五言排律

郊祀慶成

齋輅虔郊報祠宮就國陽繁雲猶待族霽日忽迎長圭  
璧紛佳氣染盛馥異香人情欣眷祐天意益端莊被袞  
侵寒霧升壇躡早霜左方虛小次午陞卻中黃六樂乾  
祇格三登海寓康千官森劔珮萬里走梯航神筴膺符  
命天壺飲福祥從今瓜瓞慶鼎業熾彌昌

閣前紫薇花

高鬟美人髻妝閣一何鮮  
迷路來春後開花近日邊  
居常澆御水動欲絢非烟  
分潤從仙掌流薰自帝絃  
雅當翻藥地繁極曝衣天  
夕花至七  
猶盛色映芝泥熟香交蕙炷燃  
吟殘秋藥脫睡起午陰圓  
應笑憑欄者相看已幾年

陳生遊金山兼簡世昌師

寶勢嵐光秀濃春物景鮮  
飛峰凌巨浸精構起中天  
鳥畏雲濤險僧安石室禪  
貫花應作偈望月定陳篇  
不為

青霄桂同裁白社蓮羨君飄鵠舫獨自號神仙

狀元張監丞倅映郊兼之閩中省親

藻袞御中樞詳延得世英賓鄉具三物題塔冠千名玉  
擅崑山價簾兼仲氏聲平淵二龍躍碣石一鴻輕慈宴  
堯廚洽宸章禹律鳴入辭瞻翠葆去候過朱櫻贊治嶠  
陵險歸寧蜀棧橫都門百壺送宿館五漿迎帝所銜標  
雋親前戲綵榮勒銘知有作叱馭肯辭行桂色窅窅秀  
棠陰蔽芾清期年隨詔入脩路接瑤京

歲晚禁直呈承旨侍郎同院五學士

廣內施重闥承明敞直廬上清通帝所方丈擬僊居漢

后前釐席淮王重報書時宗登賈馬暮召得嚴徐

諸公

玉

至光秦璽

秦璽和氏璧為之

珠來照魏車高文參正始密旨奉

權輿王澤宣從綽天香對滿裾論思皆藥石教誨亦瓊

琚弱水滄波在然山老墨餘審篇朱鴈刻

三朝御什龕載屋壁

宸

翰白龍攄

太宗飛白書玉堂之署

寶肆還容礫珍林誤植樗匪躬

無謬謬每食有渠渠寒日分宵直繁雲向歲除九門催

鑰下三殿警籤初北斗低層掖明河拂太虛求衣欽德  
盛襖被省才疎多病長思越知非晚學遽煙霄叨步武  
江海隔樵漁榆性誠為鈍葵心但欲舒日祈同舍進躋  
俗到華胥

次韻曼卿冬直因以勉贈

八舍嚴周衛千門肅漢閨金胥催遞宿玉羽伴歸棲禁  
樹驚寒斂僊雲拂夜低星河紫牆外霜月碧城西汲字  
紛難整鈞音悅易迷有人歌白雪此曲妙清溪文獻初

登亮君王益徇齊因知函鼎器那復久烹雞

后土觀瓊花

楚地五千里揚州獨一株香名從此貴芳格灑然殊國  
艷何勞粉天姿不掩瑜濃薰霏麝氣細蘂列蜂鬚雲朵  
垂三素仙衣著六銖吳中休插柰天上枉栽榆神物疑  
長擁靈根此未枯人間如定價百琲睡龍珠

石曼卿學士輓詞

才出羣英表文推一代雄靈蛇操掌上雲夢納胸中醉

墨千峰立吟臺八極空居官疎皎覈處世僂磨礮綠酒

常埋照清琴自寄通昌言會拂治密疏早談戎

曼卿天聖中建

言武備宜置土兵寶元初西戎犯邊始行其策

天子知亭伯時人重孟公何言

執戟滯便到闔棺窮鷲鳥巢門止驂騑揭櫪終芝筋留

御帳

曼卿受詔書李文靖公神道碑石本奏御之日有司以曼卿不起聞上深嗟惜之

簫賦落

王宮

案簫賦原本作簫武義不可解攷漢書王褒傳褒會著洞簫頌元帝為太子時令後宮皆誦之文選

載其文則洞簫賦非頌也與傳小異此詩蓋兼引二書原本作武者誤今改正

薄葬依莊叟殘

書付所忠惟餘身後得凜凜是英風

謝熊館

別館拋雙闕飛除鎮一方  
黃山縈蹕道青檜遶宮牆  
緹騎千羣合周陞四面張  
管絃繁欲沸旌旆鬱相望  
走馬長楸密更衣別寢涼  
星飄肅慎矢雪擁羽林槍  
懽樂何曾極盤遊不可狂  
吾聞堯舜治垂拱在巖廊

將家子

北地良家子山西舊將兒  
新從羽林射得赴鴈門期  
橫死人無比微行世不知  
長安偏重俠趙國素多奇  
照地



連錢錦迷春鑿落卮喝盧燕市客顧笑楚臺姬烟樹黃  
山路霜雲白草時雕弓孤月滿騁馬一塵隨應手雙鵬  
落回頭赤日移卻歸東第去高宴九燈枝

詔福聖宮燒香

微道西華內觚稜北斗傍神靈安肯構恩澤賜燔香渤  
澥通驪窟崑崙拱畫梁清壇浮早景碧瓦霽初霜甲帳  
嚴如在丹簷迴欲翔隆姿瞻漢后餘烈畏軒皇埋劍橋  
山遠游冠閣道長白雲迷處所仙掌鎮相望五岳扶封

域三辰緯典章升歌留寶鼎刻號在神房盛德尊原廟  
遺仁睦鬼方聖文名善繼百世溢流光

歲除

暝色凝無際寒雞悄未晨  
棠枝將換朔斗柄漸歸寅  
水火猶分漏龍蛇尚蟄身  
四時寧有暇萬物又勞春  
樹喜丹葩秀人憂白髮新  
明朝趨寶殿誰是奪重茵

送楊中允宰常熟

丹舸傍江潯嘔啞遠艣音  
新科持片玉能政引孤琴  
美

進宮坊秩榮歸里開心名參天下雋歌著邑中黔地志  
連香徑家園帶武林吳山幾屏秀楚水一篙深晚鼓停  
餘疊秋帆臥半陰平時接方驥後夜望橫參陶菊何妨  
醉江毫且剩吟悠悠河上別千里鬱朋簪

郡齋招子美

月色初藏桂年芳漸有梅人情欣臘破天意許春回陰  
雪迎風解寒漸向日開午枰宜試著卯甕好嘗醅寓興  
題紅葉乘閒步紫苔長吟溪上曲偏憶洛中才絕墨凌

金石錄卷之五  
卷五  
崖石高文拂斗魁詩鋒無敢犯酒戶少能陪綠髮裁方  
鬢丹心未肯灰琴書聊偃仰魚鳥暫徘徊蔚豹雖藏霧  
蟠螭已得雷只愁騰踏去相望隔蓬萊

送晉陵王宰銓調

盤錯才無滯弦歌政有聲及瓜青紙詔謁帝紫微城節  
竝霜松峻心同冰玉清十漿行色貴三府辟書榮驛樹  
紛紅葉江蘋老紫莖祇應中宿路雙節急歸程

送祁陽黃宰

邑控三湘遠帆經百舍遲天文瞻翼軫江色泛漣漪丹  
闕傾心戀蒼山舉目疑歡杯憑秫米騷思託蘭旗竹律  
寬無害琴堂靜不欺期年行奉詔虎帳對堯眉

上客

上客何為者平生富義名飛鈴師鬼谷談笑敵神兵然  
諾千金重交游萬戶輕平臺置酒名碣館側身迎土缶  
邀秦擊銅盤劫楚盟縱橫三寸舌厭飫五侯鯖龍種騰  
長坂霜鵬刮太清誰能彈劍缺北海有長鯨

北海一作夷路

送黃推官

秀極武夷峰清才氣所融香名傳日下勝範迪時中大  
對承三道清篇滯半通新吟池草綠故事幕蓮紅參畫  
文無害沈英位未充談高起廢疾檄壯愈頭風圭璧嚴  
書殿房心敞帝宮行頒上方筆客特薦揚雄

早秋

金商纔換暑雲葉早驚秋大火宵中散清光日下浮涼  
心遺翠簟遠夢繞滄洲蕙圃殘香薄筠溪碧蔭稠小牕

聊寄傲虛閣鎮端憂帶眼渾移盡還同沈隱侯

文恭集卷五



欽定四庫全書

文恭集卷六

宋 胡宿 撰

五言排律

明堂大禮

路寢尊嚴配明廷攷舊圖房心通氣象太紫狀規模  
衺多儀緡齋祠至信孚籙羞甘菲薄鼎味卻鮮腴日月  
垂天象鸞龍奮寶跗樂均諧睿律禮葩潤宸謨劒珮千

官拱梯航四海趨謙恭虛小次登降謹黃衡德盛三靈  
格恩流萬物蘓甘泉陪法從千載喜歌虞

禮畢慶成

路寢凝中宇星文直大辰總章裁往範齋駕奉明禋惟  
聖能嚴父於皇重饗親永懷深肅儉昭事極精純鍾律  
咸韶古衣冠黼黻新九金徠貢職萬玉儼朝倫夷夏觀  
殊禮乾祇享至仁參祠七世廟再降六天神萬寶成秋  
野千祥擁禁宸睿恩覃四海壽域躋斯民

召赴天章寶文閣觀御集賜御書飛白扇子羣玉  
殿錫宴

阿閣藏仙籍英輿侍眸儀珍函開二典聖藻煥重離河  
洛斯文在盤盂乃訓垂寶跼親許視瑞物徧容窺白鳳  
隨毫舉蒼龍應墨奇好文逢漢后觀象值庖犧溢幅榮  
分賜班觴曲示慈柏梁晨煦洽仙英晝陰移和樂韶音  
美承平鎬酒遲再陪瑤水宴千載慶茲時

館中錫宴

紫殿程書廣鴻都校籍成宸心睠儒學慈宴詔樞衡供  
帳來金閨臚傳下玉京三山開秘宿七閣敞修楹革履  
趨朝暇華貂映席明弁繁星錯落佩雜玉鐙鳴爐靜飄  
芳蕙圖開識禁橙

近有恩旨降瑞橙一本付之秘閣

壺均天所酒鼎薦

帝餘羹夏屋彰仁洽衢樽樂治平丹樓晨唱近碧樹曉  
寒輕寓內年書有人間月就盈非煙舒渥旨愛日助皇  
情鳧藻深歡意魚蒲溢頌聲蕭斯蒙湛湛露彼仰英英  
故事留東觀崇恩自上卿何言挈瓶陋亦玷舉觴榮已

重高門地還歌食野草微生徒棗鈍弱植但葵傾就日  
欣逢旦瞻河喜見清更期紆翠葆千載詭登瀛

詔祀西太一宮

至道希夷內神威造化中行綦延羽駕推策啟琳宮秘  
寢觚稜峻嚴扉坐狄雄天人凝睟表日月在方瞳離坎  
精神集房心氣象通中黃安戊己遙翠拱輶嵩陪享衣  
裳盛登羞火棗豐層壇霏顥露甲帳肅靈風波靜流寒  
瓦霜清入曉銅廊虛鳴尺蠖樓迴倚晴虹行馬依芳樹

樓禽占碧叢游光宵自燭雕靄晝常濛大壯親規近甘  
泉舊典崇平時闢閭闔盡日訪崆峒綵仗交輪奐天香  
闕鬱葱野長迷七聖庭闕舞千童裸鬯歆惟德笙歌悅

曹聰蟠螭負金石翔鶴下絲桐法度昭神祖

祀醮科儀  
悉用雍熙

之

文章炳鉅公曷期扶更遠山瑞委無窮用九乾元正

生三太極空木龍雖有寓芻狗本無功迎氣陽郊始均  
禧寓縣同權衡樞極右號令斗杓東瀋哲度時祀施生  
道化工正辭除秘祝承詔謁孤忠仁與春膏動恩隨臘

霰融天和傍星鳥地惠及昆蟲受記神司職齋居帝飭  
躬因知耕鑿力誰解識淵衷

郊丘侍祀

太極生真主中原有聖人圖丘尊上帝大旅合羣神行  
馬帷宮肅乘龍法駕馴禮容光日月文德動星辰劔履  
陪祠古咸英作樂新東方虛小次午陞徹華茵吉土繇  
誠享高穹以道親燭壇光景集升燎福祥臻寒霽三冬  
色恩融四海春萬靈今受記長此奉堯仁

奉貢殿山亭奉詔觀橙

弄色金橙熟朝元玉軟裏寶奩登美實齋蹕駐清光高  
葉參雲碧繁苞壓樹黃鮮明當早旭採摘有新霜原廟  
已云薦大家猶未嘗分頒顏在咫捧拜手盈香凡果深  
何幸孤根遠見將五行含戊巳二水出瀟湘來植清琳  
館叨升白璧堂更依仙掌側日夕近芬芳

西園櫻桃

一春紅日色刻意借鮮妍露葉深成翳風枝猛欲燃黃



金為彈重赤水得珠圓甘實行宮薦香名麗賦傳色欺  
丹魄上味出紫梨前玉果誇珍實何曾入象筵

和蔡君謨閣前紫柏

秀植登中禁靈根記大方纖枝乘十雨勁節誓千霜雲  
幹仍稠直烟華稍鬱蒼綠陰疎未合翠鬣儼相望育質  
從新甫標名壓豫章三休依寶構一溉引天潢瑞露通  
晨浥靈風繞夜翔蠹蟬驚閣爍啼秋憶巖光地惠覃行  
輩人情樂樹楊保無禽鹿踐知免斧斤傷遠勢興毫末



孤標出衆芳寒葭寧可倚幽草固難藏庭鶴宜留側臺  
鳥莫近傍未經鸞隱葉不使麝居香松操同凌雪葵心  
共向陽故情存澗壑生意屬池隍晝景斜臨石禪機俯  
映堂頌傳商廟楠材入漢家梁此世隆三代何時構九  
房瓌姿天所產工度未應忘

後苑觀雙竹

瑞植昭天產祥枝感帝臨均承元化力同抱歲寒心異  
稟笙簫質全包律呂音孤根皆出地勁節約成林蒙潤

非煙近含滋御水深風前交吐籟月底互翻陰秋實思  
威鳳春條宿綺禽留觀傳翠葆託賞集華簪蒼震猶乘  
卦商巖近作霖天支從此茂長覆玉山岑

昭應宮小桃

艷冶如無罪何由謫絳宮不因輕阿嬌即是小仙公丹  
臉翻啼雨飛書卻寄風春溪迷柳曲午影過牆東密葉  
輕籠翠繁陰半露紅誰驚幽鳥散千片觸簾櫳

吳興秋晚郡齋長句

霽色初休雨寒梅稍欲霜崦嵫驚日晏岷嶴喜年康  
菰米迎冬熟萍醅破社嘗雪聲寄檻冷卞色入樓蒼  
弱援垂榴臉幽叢亞菊芳牛羊馴沃野鴈鶩悅滄浪  
水市能為楫田家乞有漿溪音挈競去村語醉相將  
自昔分天塹茲州介水坊貢絲標禹土錯繡接吳疆  
佳麗南朝後鮮明茂苑旁風華在安石文物有東陽  
柳客詩名馥顏公筆勢翔山川為吐氣日月欲爭光  
異代虛墳柏逢辰濫郡章壤歌知自化符守信非良  
勇爵思長劒高謨乏

智囊葵心拱宸極藿食念巖廊西戍方疲陝中原久患  
羌邊人思李牧天子問中郎臣僕今三世腥羶彼一荒  
山西雄占隴河曲斗分潢漢始城張掖秦初地朔方限  
戎深得策遮寇大為防小雅亡于晉中興屬在唐太宗  
神且武貞觀粹而王都雍三才直安西萬里長聲明冒  
愆雪亭堠徹甘涼聖術初無敵孫謀本克臧未塗虧繼  
守駿命亦頽喪上帝歆炎宋真人奮大梁鑿乾分上下  
操斗運中央殺氣西刑馬妖氛北隕狼三關收朔漠兩

鎮復河隍龍虎其文炳雷霆我武揚商球傳聖弟夏鼎  
授儲皇託付神規遠彌綸治具詳四維嚴幅正八柄謹  
低昂地廣藥芽出海深神怪彰遺雛偷哺聚雜種學跳  
梁王者輕分土仁人重納隍猶如棄鱗介不使易衣裳  
禍亂收凶器昇平隱上庠蹕林通好固狡穴送誠忙圭  
瑞修歡聘金行戢怒芒生民去湯火塞土徧耕桑月窟  
頌正朔雲封刺美祥大璫貽燕翼下武寢明昌區外蒙  
冠帶天巾布典常三雍宣雅頌九譯走梯航仙致昭華

玉神來弱水香路車均奕奕朱芾賜煌煌南面存亡國  
西平拂肯堂虎臣無備禦狼子有包藏竊欲屯蜂蟻私

相署犬羊癡言天可上愚謂日無亡傳箭招廬帳推鋒

逆頡行

案推鋒二字見漢書吳王濞傳原本誤作推鋒今改正

三河煩調度六郡

苦瘡傷旅力雖疲曳游魂尚頡頏寢謀思汲黯禽敵想

陳湯多士皆方領孤生特面牆薊官尸禮聞輟職玷文

房無策均宵旰何階致富強分從高閣東敢避要途當

鈴下居無事拱中脫未遑鱸魚知味美鷗鳥信機忘獲

落才何取支離臂自攘雖貪紆紫樂豈免頓纓狂感慨  
乘軒鶴吁嗟拒轍螳山河賞吳起社稷歎童汪華夏崇  
基本朝廷總政綱弓偏宜舉抑琴緩在更張陽德銷羣  
慝天元秉至剛偃兵誠未易用武亦何妨雪近思王國  
雲閒憶帝鄉何時聞露布稱薦萬年觴

題沃洲亭

白水聲東轉昭山勢北回三洲環白浪一徑踏青苔  
對遙岑敞門迎別嶼開鷗鷺如舊識蘿桂是新栽野氣



霏霏入川華剡剡來老猿偷熟果馴鴿下生臺樵斧鳴  
岑寂魚扉映曲隈觀淩立莊惠結社坐宗雷格磔歸禽  
亂嘔啞去櫓哀看雲秋徙倚弄月夜徘徊珠且矜圓折  
犀休銜辟埃沃洲應祇爾何用憶天台

荷花

露夕僊葩卷風晨寶艷開妖釵夏庭出禍水漢宮來玉  
冷埋秋骨珠寒斂夜胎河分龍浪灌月借蘂淵裁神襪  
能凌水僊裙不惹埃文魚纔可戲鵝鳥莫為媒卻死熬

香釜延年刻壽杯  
息媯今不語  
猶尚怨荆臺

菁菁在中沚

周雅傳遺詠  
菁莪播淑聲  
育材方被化  
在沚自敷榮  
得地偏蒙潤  
乘時並擢英  
託根分曲渚  
入學隸司成  
行葦仁同洽  
山萊詠可并  
聖恩均雨露  
挺質愧微生

釣臺

遺魄知何許  
孤風不可攀  
星辰歸碧落  
道德寄青山  
堯舜錙銖內  
巢由爾汝間  
草萊升御榻  
韋布揖龍顏  
圭組

無由屈烟蘿卻自還幾峯雲冉冉數里水潺潺孤竹清  
何隘磻溪老未閒獨留冰雪操千古凜人寰

送黃孝先

日下東京旅才華變世雄高門真偉器正始得遺風鳴  
玉來江表英聲滿洛中銀鉤專墨妙犀柄擅談叢一札  
公車詔千鈞矍相弓卿才歸樸斲英穀入牢籠佛寺題  
名塔天家奏試宮鷄鷄有短羽亦恐附鴛鴻

送校理薛學士

帝設英雄毅朝多俊又官玉羈收汗血珠網獲飛鷹仙  
籍分丹桂香名藹秀蘭新從平樂試入奉柏梁歡辨色  
趨霜戟催班近露盤閣芸開縹帙堤柳據歸鞵詩就難  
林賈書成太乙觀行聞延體貌坡上有金鑾

和原甫侍讀從幸後苑觀稻之什

稼殿秋香熟煙畦早景鮮玉虬乘暇日銅雀報豐年壓  
地黃雲重含風寶粒堅三登繫帝力一豫俯天田幸廁  
標章讀仍陪從蹕宣賜禾知禮厚視草覺恩偏

學士兼  
侍讀乃

預此

釐席思前問經帷惜外遷

後漢楊秉出為右扶風太尉黃瓊惜其去上言

勸講帷幄不宜外遷留拜光祿大夫

妙詩深雅意王政食為先

### 送梅堯臣宰建德

縣枕秋江側銅章滯雋旄長安去日遠單父戴星勞秀  
水遙通楫嵐峰欲妬袍文絃一琴古仙鳥兩鳧高家樹  
喧朝鵲鄉亭寂夜檠土風清是楚才意苦于騷訟少傳  
微索吟多費健毫平時洛中社相憶醉含桃

### 送劉學士出守衡陽

需奏登中掖除書出上臺獸隨朝帶結隼映使旌開地  
接朱陵近人從藏室來蠹蟬侵舊帙浮蟻入離杯嶺勢  
遙連楚星文卻視魁雲依蒼野住鴈隔楚峯回夕夢驚  
湘瑟春心託隴梅南方本寬教東里復多才

新勝試吏  
多在勝中

駟馬榮星駕千金慶壽壘未應嗟遠守素志在循陔

送蘇賢良之任豫章

三道膠西策詳延俯瑞雲帝臨宣室坐人拱太微庭捷  
思誰加點危言自據經文成洛紙貴詔下武泥馨

案武泥二

字不經見當即是漢時武都紫泥封詔事裁用之

起草分宮筆監州駕屏星心

存雲氣闕夢繞斧文屏南國標江紀西山占地靈檻泉  
通水府牕戶接巖扃涼月依滕閣孤風泊孺亭案書休  
犯慮齋酒且忘形界道宮牆紫規蒲禁地青歸來開院  
直鰲頂架滄溟

送刁總赴句容簿

佳邑控江湄春來赴牒歸波平雙槳渡日上亂鶯飛狎  
野晨耕早蹊田畫訟稀縣圖標地肺家巷接烏衣沼靜

窺珍羽樓間數翠微  
山香蒸餽熟溪藥摘萼肥  
有客懷金社因君拂玉徽  
嵩雲南去遠猶向柳依依

送劉閑東遊

臯壤乏生涯羈遊越絕賒  
一區揚子宅四壁長卿家  
困粟知誰指囊錢苦自嗟  
秋林驚脫葉夕枕怨啼鴉  
海月隨孤棹天風曳落霞  
山城饒露蔓水驛遍霜葭  
孝子蘭方秀先生菊未華  
楚轅無久滯把酒待回車

江城立春



天上陽旂舉人間漏箭長稍驚池面綠初覺柳腰黃遲  
日延三舍條風振百昌酒凝前臘味梅帶故年芳雪意  
思王園雲情憶帝鄉青門行樂處漸近好煙光

賞花釣魚應制

平圃回天仗昆池降帝輿晨葩纔隱蝶新藻復藏魚露  
重香英濕風長釣線舒乳鶯遷谷近朱鮪躍淵初禹律  
鏗金奏堯樽徧石渠乘時覃惠宴不是樂觀魚

辛夷

百卉迎韶律。辛夷花最先。與春宜有舊。造物底無偏。棠  
棣先饒韓。山櫻未敢燃。倚風遙可愛。犯雪不勝妍。影亂  
梅花地。香迷豆蔻天。紅啼昨夜雨。紫妬曉來煙。上藥能  
全命。靈滋合永年。帝家瓊圓在此物。未應捐。

館中同舍城西小飲

信馬斗城西。芳郊春漸熙。早煙銷禁樹。初溜入天池。桃  
作新正臉。梅留故臘枝。窈香浮蟻日。村翳浴蠶時。聊把  
今朝臂。同伸即席眉。徘徊惜歸馭。風晚水生漪。

講畢周禮詔賜御筵

典禮惟周舊經文在魯餘西清開縹帙東面授丹書訪

道前釐席崇風厚石渠研覃忘日旰圖繪極霞舒

經中禮樂

之器詔圖繪其狀

千載逢亨際三冬罷講初聖懷輕璧馬慈宴

樂蒲魚妙技通神細清商按曲徐爐香分漢殿鼎味出

堯除諸老恩同醉孤臣藝最疎至仁何以報忠義即瓊

琚

丁巳歲觀玉皇冊禮

寶冊尊徽號香泥潔武都齋心期太乙恭已答元符玉  
輅嚴清制琅函秘聖謨竹宮陳帝拜嵩極動神呼彩霧  
霏三境祥輝燭九區況當精歲出仍與上辛俱正旦上  
辛協吉  
之永接千齡統長膺五老圖清編流景鑠禮自百王無

溪竹

可愛壇東竹更籠清淺流行根侵島嶼脫穉滿汀洲夜  
迴疑篩月風多欲戰秋紫莖同八畫青石伴垂鉤葉裏  
藏雌翠陰中下戲鷗秦松無用笑千畝更封侯

五言絕句

憶東園

越鳥戀南柯  
春來怨別多  
冷風如可御  
爭奈簡書何

橫山

此地橫青嶂  
當年動紫氛  
將軍精爽在  
可解勒遺文

案此

詩永樂大典失載今  
據宋詩選本補入

七言絕句

漫成

日醉風酣百卉開  
錦韉爭躍大隄來  
城東有客歌盆久  
不敢將春上老臺

齋祠小飲資政吳侍郎以真如茶二絕句為寄

碧城齋禁放朝元  
晚飲偷消白日閒  
天上高真潛詔得  
因將瑤藻擲雲間

寶刀玉尺裁佳句  
雪溜雲腴試早芽  
睡魄頓消清到骨  
一成僧味似僧家

劉開府

京口劉郎是穆之風雲未作苦棲遲金盤一石檳榔贈  
可得當年是諱饑

館娃宮

犀甲三千越騎雄平明來襲館娃宮君王不得西施去  
萬戶那能住角東

自嘲

雪梅連日礙層陰昨夜銀臺瑞霰深待詔多年無展齒  
牕間猶作洛生吟

弄雲亭

自知無業致吾君只向空山弄白雲已共此山私斷定  
不須轉轍重移文

函谷關

寂寞函關鎖未開田文車馬出秦來朱門不養三千客  
誰謂雞鳴得放回

文恭集卷六



欽定四庫全書

集部  
文恭集卷七  
七至

詳校官侍講

臣王燕緒

檢討臣何思鈞覆勘

總校官原任中允

臣王燕緒

校對官編修

臣于鼎

謄錄監生

臣周丕

欽定四庫全書

文恭集卷七

奏議

論郊丘定配

臣竊以國家乘火而王火于五行其神屬禮漢書天文志曰火禮以此而言國家常須參攷典禮以順火性伏覩京師自秋不雨綿歷三時聖心焦勞臣下隕越思所

宋 胡宿 撰

以消救之道未知所出伏惟陛下明德恤祀虔恭郊廟  
宜蒙福應乃遭災旱古者祭天神無二主禮專一所以  
奉天帝之尊明不敢瀆三代兩漢之盛莫之敢易唐初  
始有兼配之事垂拱中禮官希旨郊丘諸祠遂有三祖  
同配之禮開元十一年明皇親饗園丘禮官建議遂罷  
三祖同配之事除此之外未有一代三帝同配昊天  
之禮國家至道三年詔書親郊園丘以太祖太宗並配  
陛下即位景祐二年詔禮部詳案典禮辨崇配之序詔書

節文自今以往太祖定配二宗迭脩去年八月八日詔書今次南郊三聖並脩後次卻依舊禮布告中外咸體丕懷未踰旬日復有今後每遇南郊三聖並脩之詔竊尋詔旨先後不同此誠陛下至孝烝烝虞舜之用心也然有違典禮未合天衷致旱之由恐在于此臣愚欲望聖慈今後南郊乞且依去年八月八日詔書及景祐二年禮官所定太祖定配之典追寢去年八月二十四日今後每次南郊三聖並脩之詔告謝天地以順火性必

蒙福祉之降足消災旱之異臣若心知不可口不敢言  
即是長負陛下獎育之恩沒有餘責

論詳定官制

臣等昨奉敕為翰林學士韓絳上言國家奄有四海承  
平百年官制未修方苦其陋欲望討論唐百官制及本  
朝官制品秩事件量加裁定正其名體等事奉聖旨差  
臣等同共詳定臣等累曾懇辭不蒙允許尋具劄子陳  
乞且未置局容臣等取前代官制將今日各官職位商

度可改正者可裁損者可申明者各條三兩事先送中書門下更加商量若果有施行即置局辟官次第刪定奉聖旨依奏臣等今詳定到事件如左

一漢置丞相其後改置三公官皆公府辟召掾屬唐制以尚書門下中書三省長官為宰相尚書令僕射侍中中書令是也官品未至者同中書門下三品今平章事即其比也參知政事唐初亦是正相崔溫等嘗為之國朝之制下宰相一等若用唐制正其名體則四輔之任

當悉用平章依漢制即須立丞相府

一唐制御史大夫一人中丞二人國朝之制大夫不置以中丞為臺長他官或以給事中諫議大夫權之若欲改正官制置丞相府則大夫當復輕重乃等

一唐制無公卿為樞密使五代用兵始與中書對掌機密欲改正官制當以院事還中書及尚書兵部

一尚書省二十四司既為虛名所以官冗員衆若欲正官制當罷三司二十四司及九卿官使有定員其郎官

不在本省治職事者並以前資及散官處之其蒞外任者或依唐制置上中下等州刺史及別駕之類隨官品任之或欲輕其權則曰知某州刺史之類

一文武散官及檢校兼官勳爵實封等在開元以前頗有實事于今雖散猶敘服色粗繁輕重其餘悉皆虛名無益治體欲改正官制當例行省罷若以假虛名而任實職兼存亦可

以上所謂改正者也略舉一隅若于今可行即推此



類具正之

一大理寺決天下之獄刑部覆之于事已足又加審刑院則為駢衍欲裁損官制當以院事官屬還刑部

一吏部尚書侍郎分領銓事則當差以輕重分別流品今審官院掌京朝官磨勘差遣而流內銓次惟典州縣幕職官體制不倫欲裁損官制當以審官院職事歸尚書銓州縣幕職官歸侍郎銓

一羣牧司提舉司糾察司之類皆古無此職欲裁損官

制悉當省罷還屬尚書九卿

以上所謂裁損者也略舉一隅若于今可行即推此類具正之

一左右史並當隨宰相入立仗下以記言動今史官之任不及聞前殿政事故德音善政多失紀錄欲申明復此舊制

一中書出制敕唐制並經門下審覆然後尚書出告身經歷三省比來惟中書發敕虛置三省官名今欲申明

復此制國朝令文具載

一國朝近制觀文殿大學士惟待舊相自資政殿大學士至天章閣待制以上其間多有無員數除授寔廣者繇邊幅不立也諸舊有員者宜依舊數未有者宜差定其員著為久制以革濫員之濫

一唐制舍人六人分判尚書六曹事所以佐丞相謹政令欲乞申明此制

一舊制九卿之職不隸尚書令卿監職事三司關領者

宜取還寺監亦省侵官之類

一唐制左右丞相判尚書省事中書判門下省事中書舍人判中書省事國朝門下省權用近臣判之中書省即舍人年深者判與唐制略同准昨來言者稱近臣判省權太重致按唐制似不如此惟常袞自以同中書門下事即當兼判中書省是時崔祐甫以舍人判省謂袞侵官士論由此不平袞也

一三班自供奉官至殿侍差使之類唐制武選皆無此

名目宜徙置于外以區別華冗

一朝廷若欲從改正之說即俟改正之後設官分職如周唐乃可約六典著書垂之後世若未能如此而欲著書惟可將會要及諸司編敕并格令刪繁取要今日官名粗書職分而已

以上所謂申明者也略舉一隅若于今可行即推此類具正之

論罷上元放燈

臣或聞臣僚上言以今春開淘汴河興役至衆乞罷上  
元放燈以防一切放燈誠非急務于公私無益然罷之  
亦須有名若以開河為言恐于體不大今東南數路災  
旱甚廣穀價翔踴民食飢乏又河北水沴愁墊未息若  
惻然降旨藉此而罷則于名義甚大四方觀聽必喜聖  
心有矜憐窮困之意或因晝日晴和車駕臨幸寺觀燒  
香以祈民福足以慰都城士女之望伏候進止

論人使詣塔燒香

臣等今月十五日同契丹人使并三節人從詣相國寺  
普滿塔下燒香竊見本塔屋宇損動四隅用枋木薦撐  
環遶其下吁可為懼退思延戎使燒香之意本欲以浮  
圖之勝誇示遠人若不繕完恐非壯觀如惜軍國之物  
重為之費即乞將泗州塔下等處寺院施利錢物早與  
修完及其未傾墮易為施力若其摧圯所費益大取進  
止

論臣僚進對密陳機事即時外傳乞賜防閑

臣聞為君難為臣不易易大傳曰君不密則失臣臣不密則失身春秋譏漏言以為至戒君上不可不察也伏惟陛下躬大聖之姿體至仁之量推誠接物降心求治每臣下進見莫不霽威嚴和顏色問民俗之利病詢朝廷之得失此虞舜好察邇言之意也然其間樞機所發禍機或隨臣下不可不慎也比來羣臣進對有所密陳往往即時傳之在外豈非防閑之道未盡其要今後臣僚上殿欲乞嚴屏左右以防漏泄若此則忠言益進聖



聰彌廣無機事不密之害伸近臣盡規之忠謹具奏聞  
謹奏

論楊懷敏不當除內侍都知

敕入內侍昭宣使眉州防禦使楊懷敏除入內侍副  
都知臣當草詞者臣聞昔懷敏先任入內侍省副都  
知管皇城司公事宿衛不謹致逆徒竊變震驚宮闈嚮  
非宗廟社稷之靈陛下乘輿幾殆及逆徒既獲又不坐  
死致規滅姦人之口天下之議罪在懷敏楊景宗二人

而已臣每念此事痛心扼腕陛下仁聖不忍加重誅止  
解內職令居外任今因奏事忽有此命若再復內侍名  
職且赴本任是不久將復入內侍省之職也若再居內  
省則宿衛之變復未可知兼條制內臣都知副都知之  
職有過降充外任更不許再居舊職所以防一切之微  
深遠之法制也伏望陛下令有司檢詳舊制追寢今命  
法制一壞復之良難有此違礙臣不敢草制其中書送  
到詞頭一道臣輒封還伏候進止

翊日上謂宰相曰前  
代豈有此故事否文

房搏對曰唐給事中袁高不草盧杞制書近年富弼亦曾封還詞頭上意解改命舍人草制臺諫論列皇祐元年十一月二十九日以昭宣使眉州防禦使懷敏充三陵副使

乞楊安國改官

臣竊聞侍講學士楊安國近有奏劄理會磨勘轉官事或聞安國改官已得四年有餘中書為安國曾因舉官罰銅隔住一年至明年三月方該轉官安國授經老臣年近八十桑榆暮景光陰幾何況久侍講筵與其餘侍講不同緣此月十八日講畢周禮宜因此時欲乞陛下

面賜安國改轉宣中書施行以為老臣授經之榮兼彰  
陛下重道之美書于記注實光聖德芻蕘之說惟賜採  
擇取進止

論差三館都監不合辟

臣伏以三館圖書之府朝廷育材之地用內臣為都監  
典領事務自來差除或許判官及館職自舉其人貴得  
謹良以接英俊近差下三陵都監任從禮充其任近已  
身亡朝廷尚未除人竊緣判館之職罕與內臣相接縱

有所舉亦未周知其履行今後三館都監有缺欲乞朝廷精擇其人以充取進止

繳進李康侯廣律判辭

據前權知滄州軍州事判官李康侯狀昨在任日著到廣律判辭十一卷通四冊念康侯數年用心尋究律意根援典禮伏狀繳奏進呈者右具如前臣等竊以吏道之本法令為師凡厥士人既霑利祿雖勤几案之決罕精律例之微前判官李康侯早登詞科深好法學因傳

經義條為事辭著成廣律判辭十一卷以廣律意志勤  
可采學尚足嘉幸值盛辰弗遺小善臣等謬承朝委典  
司銓集復叨近侍敢壘上聞其李康侯撰成廣律判辭  
十一卷共四冊謹具狀繳進或稍有觀采伏望聖慈候  
刑部大理寺詳覆斷官有缺日特許先次除注勘會本  
人歷任並無過犯在朝亦無親的骨肉食祿見在銓參  
選謹具狀奏聞伏候敕旨

論殿試攷校

臣竊見舊制攷校御試舉人卷子不過五六日催促了畢即便放榜誠是太速恐有未精近制御試許限半月日攷校蓋欲詳加掄覈務在精當然而采之衆論亦有未便或聞初攷與覆攷二處各限五日攷校須候日滿攷盡卷子定了等第方得次第闕發如此即覆攷與詳定所端間多日卻成留滯況近來間歲科場人數卷子止于二百欲乞將來御試且依舊存半月日限攷校外降聖旨令初攷覆攷所更不限定日數但攷絕卷子定

了等第即便闕送與彌封所令彌封所發往覆改等處  
若干限內攷校了畢乞便放榜不須候滿半月兼免日  
久有所漏泄及免禁中久留燈火不便取進止

論換巡尉

臣竊觀今夏四方州郡山水發溢至入城郭漂廬舍壞  
棧道等在五行水曰潤下為害若此是失性逆理之象  
在易坎為水為盜宜敕四方州郡長吏及逐路轉運使  
提刑等常切謹視盜賊應採取金銀銅鑛及鼓鑄錢幣



聚集羣衆之處宜密設方略常為警備部內巡檢縣尉  
捉賊使臣如有疾病昏昧及弛慢不堪居職者宜令具  
姓名體量聞奏下三品流內銓選差有材武勤幹之人  
充替或部下監當使臣有材幹之人其被體量者內有  
未至全然昏昧可以監當場務許令權且對換勾當其  
縣尉未至全然昏昧者亦許于判司主簿內選擇對換  
勾當一面奏聞乞從朝廷指揮正差若巡邏得人則能  
教習武藝整齊部衆過防之道伏候進止

論弓手替換

臣謬奉朝寄預司民政今有管見輒敢敷言臣竊尋國朝舊制天下縣邑所置弓手本防賊盜選人才會弓弩者充初無年限許替之文蓋欲其役年深習慣武藝又周知山川道路險易姦寇窟穴之所若有盜發易為擒獲編敕節文弓手惟老弱貧乏乞替本縣保明申本屬長吏體量差替亦慮縣邑受倖至天聖明道中江淮饑饉安有替換故立此制以防其弊然朝廷遣使安撫石

司諫范仲淹奏乞今後弓手及七周年者許替歸農七  
年滿情願執役身手強壯能捉賊盜者州縣體量依舊  
執役尋范仲淹所奏蓋因災傷權宜建白以充一時之  
勞保令有司銓揀其弓手強壯者不得一例差替自後  
諸處縣邑為有上項指揮有司乘此受倖不問貧富老  
少勇怯纔及七年本縣便一例差替多是不申州長吏  
體量其間未及七年者甚多非徒新募弓手生疎不堪  
捕盜一為弓手則不能力農非勸農敦本之意反為良

善之患欲望聖慈尊祖宗成憲勿輕改易庶幾偉門塞而天下安取進止

論北界點集事宜

臣聞近日契丹于燕代之間點集兵馬聲言西討夏國恐非其實謀兼前來國書商議未合近日橫使不至敵情難測忽此點集有可疑慮兼廣南蠻賊狂盛陷沒州郡朝廷方誅討用兵之際契丹不宜有謀若二寇並興四方可慮國家貴權以濟事欲解紛難不可循常理也

若旬日間契丹不遣使來臣欲乞聖度詳度事體選差能專對近臣往使北戎與議定國書固其鄰好雖事之成與不成未可決定亦可以探得敵中動靜若果蓄異志必有違言便須大為之防以備邊境伏候進止

論詰責言官言事涉後宮之親

臣聞聖主悅至言好崇諫所以廣治道防一切之未然也臣以螻蟻竊觀陛下特稟上睿之德能聽大度之言數賞諫臣比擢臺職推誠含垢美盡君人之量堯舜之

用也近日聞臺官言事事涉後宮之親出于風聞有旨詰責臣愚以謂諫官御史朝廷紀綱所寄雖有過謬可且優容昔漢文賢主也袁盎直臣也帝所幸慎夫人盎掌諫爭言涉不遜初雖怒終不加罪後慎夫人聞之復賜盎金五百斤慎夫人所以能保榮寵者以能賞袁盎之直言也漢元帝時馮野王昭儀之兄也德行高妙推為第一時御史大夫缺公卿多薦野王為之帝曰吾若用野王為之天下必以我私後宮之親昔德宗謂李絳

比諫官論奏不實欲出其尤絳曰此非陛下意必憚人  
以此營誤上心自古納諫昌拒諫亡君尊如天臣卑如  
地干不測之禍雖開納獎勵尚恐不至直士杜口非社  
稷福臣願陛下鑒觀前史開納至言臣不勝區區之情  
論克國公主議行冊禮

今月二十一日草福康公主特進克國公主制竊聞議  
行冊禮然于事體頗有未便祖宗以來公主長主未有  
行此禮者昔漢明帝封皇子悉半諸國明德馬皇后曰

諸子食數縣不已儉乎帝曰我子豈敢與先帝子等也  
唐貞觀中太宗長樂公主將出降帝令有司資送倍于  
永樂公主魏徵曰不可引漢明帝之言為對且曰天子  
姊妹稱長公主加長字示有所尊崇或可情有淺深無  
容禮相踰越太宗然其言入告長孫皇后后遣使賜徵  
金帛陛下即位以來累曾進封魏國楚國二大長主亦  
不曾行冊禮今施于克國公主是與大長公主相踰越  
兼以貴主之故賢妃亦蒙殊典有旨令進諭告不行冊



禮是母子之間一行一不行禮意尤不相稱書于史冊  
後世將有譏議必謂陛下偏于近情虧聖德之美臣願  
陛下采漢明之言開文皇之聰遵祖宗舊典如國朝公  
主曾行此禮行之粗且無嫌如其不曾則宜且罷臣以  
陛下好忠諫納至言臣職在論思不敢不言

論太湖登在祀典

臣竊見吳中太湖即禹貢震澤也廣三萬六千頃其水  
利溉蘇湖常三州之北而蘇湖為多去二郡亦近湖中

大小山七十有二洞庭林屋福地皆在其中商帆賈楫  
日相上下二郡各有湖廟而常州無廟蘇州廟在洞庭  
湖州廟在大錢口方俗目為平水大王廟是也二郡小  
小叢祀皆祭而太湖獨不祭蓋由祀典失載因循忽諸  
禮境內山川諸侯當祭國家儀文咸秩靡祀不崇其太  
湖欲乞下湖蘇常三州登在祀典春秋差官致祭取進  
止

論伐鼓于社當在正陽之月

昨觀六月之朔日有蝕之禮官奏行伐鼓于社之禮某  
受詔告祭大社是日雲氣擁護太陽纔食數分隱而不  
見至晚復有雷雨之應然自此數月陰雲相繼淫雨未  
息攷之書傳竊有感焉謹按尚書季秋辰弗集于房瞽  
奏鼓此則夏禮伐鼓之始也又按春秋左氏傳唯正月  
之朔慝未作杜氏注正月夏之四月  
謂正陽之月日有食之天子伐  
鼓于社責羣陰也諸侯伐鼓于朝據傳而言它月則否  
穀梁救日之法陳五兵五鼓亦在莊二十五年六月辛

未朔亦正陽之月也書傳交庚典禮不同太社主陰之神有國尊奉非當鼓之月而行政責書傳二說禮在可疑之間淫雨之來或恐緣此竊見太陽禮院告報准中書劄子奉聖旨分遣臣僚詣宮觀寺院燒香祈晴謹按祠令節文霖雨不止祈社宜因此祭兼祈太社太稷以息淫雨之沴祠令所載于禮無嫌謹具狀申中書門下

同劉敞孫抃論四后配食

臣等謹按春秋傳曰大禘者何祭也未毀廟之主皆升

合食于太祖是以國朝事宗廟且百有餘年至裕之日  
別廟後主皆升合食遵用以為典制非無據也此皆更  
聖祖神宗盡心極慮制節垂法以貽子孫者也未易輕  
改且宋家宗廟之禮參用歷代因時施宜不專取于周  
唐何以言之如太宗真宗二帝並配三后孝章嘗母儀  
天下而享于別宮淑德以元妃正嫡亦享于別宮原其  
憲章沿革之始似出聖意自有所在若規以一家之學  
則紛然皆亂于上矣且行之已久祝嘏宗史既守以為

常若一旦輕議損益恐神靈不安亦未必當先帝意也  
議者乃謂四后之主于合食則貴有所屈于別享則尊  
得以伸然則且不疑于黜遠四后而獨豐于昵乎他年  
有司攝事四后皆預合食也今陞下方欲躬齋戒奉祖  
禰而四后見黜不亦疑于此禮之煩而不能事其先  
妣乎受命之君以創禮革典為急繼體之君以承志遵  
法為美先帝創之革之陛下承之遵之臣曰可矣宗廟  
之祭至尊至重苟未能盡祖宗之意則莫若守其舊禮

疑文偏說未可盡據傳曰祭從先祖又曰有其舉之莫敢廢也此之謂也臣愚以謂如其故便

文恭集卷七